

## IZVJEŠTAJ O RADU NADZORNOG ODBORA JAVNOG PREDUZEĆA „PARKING SERVIS“ D.O.O. ZENICA ZA 2020. GODINU

Rješenjem Gradonačelnika Grada Zenica broj: 02-49-744/17 od 18.01.2017. godine, imenovan je Nadzorni odbor Javnog preduzeća „Parking servis“ d.o.o. Zenica, u sastavu:

1. Marković Zoran, dipl. ing. mašinstva;
2. Karić Inela, dipl. ekonomist, i
3. Burina Džemal, dipl. ing. saobraćaja.

Na konstituirajućoj sjednici 27.01.2017. godine za predsjednika Nadzornog odbora Javnog preduzeća izabran je Zoran Marković, a za zamjenika predsjednika Nadzornog odbora imenovana je Inela Karić. Za sekretara Nadzornog odbora izabran je zaposlenik preduzeća Rešad Imamović.

Nakon podnesene ostavke člana Nadzornog odbora Burina Džemala, rješenjem Gradonačelnika Grada Zenica broj: 02-49-18906/17 od 08.11.2017. godine, za člana Nadzornog odbora imenovana je Indira Krujezić, dipl. pravica.

Nakon ostavke podnesene ostavke člana Nadzornog odbora Inele Karić, rješenjem Gradonačelnika Grada Zenica broj 02-45-8019/20 od 22.04.2020. godine, za člana Nadzornog odbora imenovan je Jasmin Husejnović, dipl. ecc.

Nakon ostavke Jasmina Husejnovića rješenjem Gradonačelnika Grada Zenica broj: 02-45-14281/20 od 22.07.2020. godine, za člana Nadzornog odbora imenovan je Armin Mujkić magistar ekonomije.

### 1. NADLEŽNOSTI NADZORNOG ODBORA

Nadzorni odbor ima sljedeće nadležnosti: nadzire poslovanje dioničkog društva, usvaja poslovne strategije i planove poslovanja, nadzire rad uprave, te odobrava odluke strateškog karaktera, usvaja izvještaj uprave o poslovanju po polugodišnjem i godišnjem obračunu, sa bilansom stanja i bilansom uspjeha i izvještajem revizije, podnosi skupštini godišnji izvještaj o poslovanju dioničkog društva, koji obavezno uključuje izvještaj revizora, izvještaj o radu nadzornog odbora i odbora za reviziju, bira predsjednika nadzornog odbora, bira upravu i sekretara društva, predlaže raspodjelu i način upotrebe dobiti i način pokrića gubitka, odobrava kupovinu, prodaju, zamjenu, uzimanje ili davanje u lizing, uzimanje ili davanje kredita i druge transakcije imovinom, direktno ili posredstvom supsidijarnih društava u toku poslovne godine u obimu od 15% do 33% knjigovodstvene vrijednosti ukupne imovine dioničkog društva po bilansu stanja na kraju predhodne godine, odnosno predlaže skupštini odlučivanje u vezi navedenog ako je u obimu većem od 33%, imenuje predsjednike i članove pododbora zavisno o procjenjenim potrebama, obrazuje povremene komisije i utvrđuje njihov sastav i zadatke, saziva skupštinu i odobrava emisiju novih dionica postojeće klase u iznosu do trećine zbira nominalne vrijednosti postojećih dionica i određuje iznos, vrijeme prodaje i cijenu ovih dionica, koja ne može biti manja od prosječne tržišne vrijednosti postojećih dionica iste klase u 30 uzastopnih dana prije dana donošenja odluke.

Pored nadležnosti propisanih Zakonom o privrednim društvima nadzorni odbor ima i nadležnosti propisane Zakonom o javnim preduzećima i to: priprema poslovnike i predlaže ih skupštini, priprema etički kodeks i predlaže ga skupštini, vrši izbor kandidata odbora za reviziju i podnosi prijedlog za njegovo imenovanje skupštini, razmatra provedbeni propis za postupak nabavke i nadzire njegovo provođenje; daje mišljenje skupštini o prijedlogu uprave za raspodjelu dobiti, daje ovlaštenja za aktivnosti koje su ograničene na osnovu odredaba Zakona o javnim preduzećima u Federaciji BiH, daje upute direktoru za provođenje preporuka u vezi sa uočenim nepravilnostima.

## **2. SJEDNICE NADZORNOG ODBORA**

U izvještajnom periodu Nadzorni odbor održao je 6 redovnih, dvije vanredne sjednice i dvije elektronske sjednice. Na održanim sjednicama Nadzorni odbor je:

1. Utvrđivao Prijedloge normativnih akata i Odluka iz nadležnosti Skupštine;
2. Donosio Odluke iz svoje nadležnosti;
3. Razmatrao i usvajao izvještaje i informacije iz svoje nadležnosti, kao i davao odgovarajuća mišljenja u skladu sa zakonom;
4. Davao ovlaštenja u skladu sa zakonom.

Na sjednicama su donesene sljedeće odluke:

1. Odluka o korekciji plaće direktora
2. Odluku o otpisu rashodovanih stalnih sredstava
3. Odluka o isknjiženju sitnog inventara utvrđenim manjkom
4. Odluka o usvajanju izvještaja o radu JP "Parking servis" d.o.o. Zenica za period od 01.01. do 31.12.2019. godinu.
5. Odluka o raspodjeli dobiti za 2019. godinu
6. Odluka o prigovoru Isaković Adise
7. Odluka o davanju saglasnosti za krakoročno kreditni zaduženje
8. Odluka o usvajanju finansijskog plana poslovanja Preduzeća za 2021. godinu
9. Odluka o davanju saglasnosti na predloženi Plan javnih nabavki za 2021. godinu
10. Odluka u usvajanju Izvještaja centralne popisne komisije o popisu imovine, potraživanja i obaveza na dan 31.12.2020. godine.

Pored navedenih Odluka doneseni je veći broj zaključakakojima se pospješila realizacija poslovanja Preduzeća.

## **3. CILJEVI NADZORNOG ODBORA I USPJEŠNO POSLOVANJE**

U izvještajnom periodu Nadzorni odbor je donosio odluke radi osiguranja pozitivnog poslovnje preduzeća u okolnostima koje su izazvane pandemijom COVID-19.

Nadzorni odbor je kontinuirano razmatrao mjesečne i periodične izvještaje o poslovanju Preduzeća i detaljnije se informisao o specifičnim stavkama troškova, davao smjernice u formi konsultacija s ciljem korištenja poreznih olakšica i smanjenja poreznih troškova,

informisao se o tokovima javnih nabavki, pratio novčane tokove, te se očitovao o dopisima i molbama zaprimljenim na adresu Preduzeća, a za koje je Uprava tražila da se očituje Nadzorni odbor.

Riješen je veći broj problema iz prethodnih godina, koji je opterećivao poslovanje preduzeća, a posebno je važno istaći rješavanje pitanja sumnjivih i spornih potraživanja, te sada imamo stvarno stanje potraživanja, odnosno tačne finansijske pokazatelje poslovanja Preduzeća.

Nadzorni odbor je uspješno proveo svoje redovne aktivnosti i zajedno sa menadžmentom Preduzeća uspio da poslovnu 2020. godinu završi pozitivno i sa dobrim preduslovima za napredak i uspješniji rad Preduzeća.

**NO JP „Parking servis“ d.o.o. Zenica**

  
\_\_\_\_\_  
**Zoran Marković**